



UPA2015/59

13. maj 2015

Ane Hansen

Apeqquteqaat tunngavigalugu oqallittoqarnissaanik siunnersuut, qanoq iliornikkut aalisartunut piniartunullu atortuminnik piniutiminnillu ajunaarnersuaqartillugu annaasaqarsimasunut pisortaniit ikiorsiisarnep nukittorsarneqarsinnaanera pillugu.

(Inatsisartunut Ilaasortaq Anthon Frederiksen, Partii Naleraq)

Siullermik Inatsisartunut ilaasortaq Anthon Frederiksen, Partii Naleraq qutsavigerusupparput apeqquteqaat aallaavigalugu aalisartut piniartullu atortuminnik piniutiminnillu ajunaarnersuaqartillugu annaasaqarsimasunut pisortaniit ikiorsiisarnep nukittorsarneqarsinnaanera pillugu oqallisissiomat.

Inuussutissanik imminut pilersorneq ullumikkorniit annertunerujussuaq, nerisaqarfiutigisuni pisiniarfinnilu tamani kalaaliminerneq nunattalu pissarititaanik atuineq annertunerusoq, nunattalu iluani assartuussinermi nioqqutissiatta akikinnerusumik assartuunneqartalernissaat, tassa Inuit Ataqatigiinni anguniakkatta ilamininngui piniartut aalisartullu inuutissarsiornerannut aningaasarsiornerannullu patajaallisaaqataasussat ilaat.

Ullumikkut piniarneriinnarmik inuutissarsiutillit eqqarsaatiginerullugit aningaasarsiornikkut inissisimanerisa takutippaat inuussutissarsiortunut tunitsiveqarnikkut periarfissat suli patajaattumik aningaasarsiorsinnaanermut pitsaasumik qularnaarisutut inisisimangitsut, nunatta avataaniit inuussutissanik pisiortornerput suli annertuallaaq nunatta pissarititaasa tuniussinnaasaanut naleqqiullugit. Taamammat suliassatta annerit ilagaat nunatta pissarisitaasa suli piniarfinni nerisaqarfinnilu annerusumik atorluarneqarnerulernissaat anguniassallutigu.

Naak Naalackersuisut oqallisissiamut akissutaanni piniartut aalisartullu ikiorserneqarnissamut periarfissat pitsaasutut taakkartorneqaraluartut, takusarparput pingortitap pilianik ajutorneq annertusimagaagat aallarteqqinnissamut piarersimaneq qanoq aporfissaqartigisumik inissisimasartoq. Takusarpagut piniartut aalisartullu sillimmateqarnissamut tamatigut periarfissaqarsimasangitsut, imaluunniit sillimmateqarsimagaluarlutik iluaqutigisinnaanerata killeqarpallanera pissutigalugu sillimmateqangiinnisartik qiniinnartarsimagaat.

Ikiorserneqarnissamullu periarfissat tamarmik sillimasersimanissamik piunasaqaateqartarmata ikiorserneqarnissamut periarfissat killilerujussuungortartut. Inuit Ataqatigiinni Naalackersuisut kaammattorusuppagut piniartut aalisartullu akornanni piniutinut sillimmateqanginnerup ajornartorsiutaanera KNAPK piniartullu peqatigiiffii suleqatigalugit qulaajaaffigeqqullugu piunasaqaatini aporfiusartut iluarsinarneqarnissaat siunertaralugu.

Malunnartarmat piniartut aalisartullu ingammik nunaqarfinni illoqarfinnilu mikinerusuni motorinut tungasunik suliffeqarfeqangitsuni sillimasiineq ajornartorsiutigisaraat

akissaaleqineq pinerungikkaluarlugu kisianni piunasaqaatit
iluaqutissarsiffigineqarsinnaanerisa killeqarnerujussuat pisutigalugu.
Sillimasiinermi piunasaqaatit aporfiusartut nunattalu siammasisumik inoqarfiunera
pissutigalugu naleqqutingittutut nalilerneqarsinnaasut iluarsiiiffiginissaat siunertarlugu
sulisoqartariaqarpoq.

Piniarnermik aalisarnermillu inuussutissarsiutillit eqqarsaatigalugit suliffeqarfinni
assigiingitsuni inuussutissarsiutilittut nukittunerusumik pisinnaatitaaffeqarnerat
anguniartariaqarpoq Kattuffiit ilaasortaaffigineqartut aqqutigalugit. Taamammat
Naalackersuisut kaammattoqqissuagut ajunaarnersuaqartillugu annasaqaasimasunut
ikiorsiissutigineqarsinnaasut KNAPK peqatigalugu nukittorsaanissaq siunertarlugu
suleqatigeqqullugit.

Qujavugut Inatisartunut ilaasortap Anthon Frederiksen Partii Naleqqamersup apeqquteqaat
aallaavigalugu oqalisissianut.